

Ponelopele ya isago ya NWU



Fa re simolola go lepalepana le dikgwethlo tse di fa pele ga rona tsa lephata la thuto e e kwa godimo ka kakaretso le NWU e le nosi, go tla nna botlhokwa thata gore re tsepamise mogopolo mo dilong tse di botlhokwa tse di tshalositsweng sentle le go dirisa didiriswa tsa rona ka botlhale go fitlhelela tse.

Ditlapele tsa rona ke:

Tlhotlheletso - Go fitlhelela tlhotlheletso ya thuto le ya setšhaba ka go dirisa mekgwa e mešwa le mananeo a a nang le ponelopele.

Kgolo - go godisa selekanyo, boleng, phitlhelelo le go nna maleba ga dikuno tsa rona le tse re di neelang, le go oketsa palo ya baithuti ba morago ga kalogo.

Bopharologano - Go amogela go farologana ga batsayakarolo ba NWU ka mekgwa e e akaretsang.

Dikgwebisano - Tiragatso ka dikgwebisano tse di oketsang boleng.

Bosetšhabatšhabafatso - Go godisa tebego ya boditšhabatšhaba ya NWU ka go dirisana mmogo le balekane ba boditšhabatšhaba mo maemong a a farologaneng.

Manonthlotlo a tiragatso - Go kgontsha tiragatso ya togamaano ka dinako tsotlhe ka tiragatso ya maemo a a kwa godimo.

Go ithuta le go ruta ka tsela e e tlhomologileng, e e ikaegileng ka moithuti mme e le maleba mo mmarakeng wa rona le go tshagisa kitso ke selo sa botlhokwa mo kgwebong ya rona ya konokono. Re ikaelela go oketsa seabe sa boditšhabatšhaba mo thutong e e bulegileng, ya sekgala, ya mo inthaneteng le e e fetofetogang, go tshegetsa phetogo ya dijithale ya go ruta le go ithuta le go nonotsha bopuontsi.

Patlisiso ya rona le Poposešwa di tla tsepamisa mogopolo thata mo go nneng le seabe mo lefatsheng lotlhe, go godisa kokomana e e latelang ya babatlisisi le go tokafatsa maemo a rona a boditšhabatšhaba le go dira gore bakanoki le dipholo tsa dipatlisiso tsa rona di bonale.

Re tla tswelera go logaganya le go rulaganya sentle go nna le seabe ga baagi le go ruta le go ithuta le patlisiso.

Mo pakeng ya magareng, re tla tswelera pele ka go tlhoma sekolo sa bongaka le go sekaseka go ya pele kgolo ya meepo e e tswelolang.

Ka bokhutshwane

Ka 2023, ngwaga wa go fitlhelela bogolo go kgabaganya melerwane, re tswelletse go baya NWU jaaka setheo sa maemo a a kwa godimo sa thuto se se ineetseng mo tshiamong ya loago. Seno, mmogo le go tsepamisa mogopolo mo go nneng le seabe le go nna maleba, e tla nna e ntse e le motheo wa rona fa re ntse re diragatsa leano le lešwa, Go isa NWU kwa pele - 2024 le go feta.

Re dirisitse dithekenoloji tse dintšhwa go tokafatsa ditsamaiso tsa rona le go tokafatsa boleng jwa rona mme re lebeletse pele go tsenya tirisong Mokgwa wa Tshedimosetso wa Baithuti mo ngwageng o o tlang.

Go dira dipatlisiso tse dišwa le go abelana kitso go solegela setšhaba molemo go re thusitse gore re tswelere go ngoka babatlisisi ba maemo a a kwa godimo le baithuti ba morago ga kalogo, fa re ntse re naya setšhaba se re se direlang mosola o mogolo.

Mo ngwageng wa 2023, re nonotshitse dikgokagano tsa rona tsa botlhale le tirisano mmogo, mo nageng le ditšhabatšhabeng, mme ra romela kokomana e ntšhwa ya baalogi ba NWU kwa lefatsheng go dira pharologano.

Re na le tsholofelo ka isagwe, fa re ntse re lemoga gore go tshegetsa thuto e kgothwane ka madi le go laola metsi, maatla le botsamaisi jwa matlakala ke dilo tse di botlhokwa thata tse re tshwanetseng go tshwenyega ka tsone.

Tobetsa mo digokeng tse di fa tlase gore o bone dimametelelo tse di farologaneng tsa pege eno.

➤ **Mametelelo 1:**
2022 Pegelo ya Tshekatsheko ya Tiragatso

➤ **Mametelelo 2:**
Lenane la dikopano tsa komiti

➤ **Mametelelo 3:**
Tlhamo ya dikomiti

➤ **Mametelelo 4:**
Rejisetara ya Kotsi ya NWU

➤ **Mametelelo 5:**
Tshobokanyo ya Madi

➤ **Mametelelo 6:**
Dipegelo tsa madi tse di kopaneng tsa go fitlha ka 31 Sedimonthole 2023